



partii naleraq

Nuuk 29. oktober 2018
UKA2018/80
Hans Enoksen Partii Naleraq

Nuna tamakkerlugu Pinaveersaartitsinermut Siunnersuisoqatigiinnik pilersitsinissaq pillugu kingusinnerpaamik UPA2019-mi siunnersuummik saqqummiusseqqullugit Naalakkersuisut peqquneqarnissaanik Inatsisartut aalajangiiffisassaattut siunnersuut. Siunnersuisoqatigiit Naalakkersuisunut, Inatsisartunut taamatullu kommunit siunnersuisartuussapput atulissallutillu najukkani pinaveersaartitsinermut ataatsimiititaliaq, Imigassaq aamma Ikiaroorartoq pillugit Siunnersuisoqatigit kiisalu immaqa Peqqinnissaqarfanni pinaveersaartitsisutut siunnersortitut atorfillit taarserlugit.
(Inatsisartunut ilaasortaq Tillie Martinussen, Suleqatigiissitsisut)

Inatsisartunut ilaasortaq Tillie Martinussen Suleqatigiissitsisut, siunnersuuteqarpoq inatsisartunut aalangiiffisassamik tassalu Nuna tamakkerlugu Pinaveersaartitsinermut siunnersuisoqatigiinnik pilersitsinissaq pillugu tamannalu partii Naleqqamiit oqaaseqarfīgissavarput.

Nunatsinni ulluinnarni inuttut ajornartorsiutinik annertoorejussuarnik eqqorneqarsimanerput ilungersunartorujussuarnik eqqorneqaatigisarparput, pingaartumik meeqqat, inuusuttullu eqqarsaatigalugit, aamma taakkuinnaanngillat inersimasut aamma amerlasoorparujussuusugut ulluinnarni inuunerlunnitta annertuallaarneranik eqqorneqartarpugut, tamannalu ataatsimoorunnerullugu akiortariaqalerparput meeqqanut inuusuttunut inersimasunullu isiginertitsinerluppallaarnerput pissutigalugu.

Kisianni aamma puigussanngilarput ilaqaratta ilaqutariippassuit meerarpassuit inuusuttorpassuit inersimasullu, minnerunngitsumillu aataakkut aanaakkut, ittuklut ningiukkullu amerlaqisut ulluinnarni inooqataanermi ingerlalluarterpassuummata, Nersortariaqarput ilaatigut ajornartorsiuteqarpassuarnik eqqartuinnaaleraangatta ilaqutariit maligassiuisorpassuit puigortutut ittaratsigit.

Qujanarlu ulluinnarni inuunermit taamatut takutitsilluarnissinnut nukittorsaalluarterassi taamatut takutitsilluarternissigut ilatsinnut inuttut ikiortariaqartunut nukissaqarnerulertarpugut maligassiuinissinnut qujanaq.

Ulluinnarni inuunermi sulluunniit pitsaanerusunngortinneqarnissaanik anguniaqarneq tapersorsorluinnartariaqarpoq pingaartumik ulluinnarni inuunerup pitsaanerulernissaanik anguniaqartut pineqartillugit suliniutit suminngaarneri sumillu tunngaveqartumik aallartitsinerit aporfissatut isiginngikkaluarlugit. Kommunit peqatigiiffiit Namminersorlutik oqartussat sunngiffimmilu sulialippassuit suliniutaat iluatinnaarsinnaasut tamarmik atorluarnissaat aqutissiuttariaqarmata.

Uanilu siunnersuumi anguniagaq tassalu Nuna tamakkerlugu pinaveersaartitsinermik siunnersuisoqatigiinnik pilersitsinnissaq anguniarneqartoq isumaq Partii Naleqqamiit isumaqatigalugu oqaatigissavarput.

Tassami tamatta ilisimavarput isumaginninnermut tunngasut assorujussuaq sullissisunik oqimaatsorsioortitsisartut sulisinnaasut ilinniarsimasullu sulisussat amigaataanerat annertummat, tamannalu amerlasuutigut takusarparput kommunit kisimillutik ikiorserneqanngikkunik suliassat kivissinnaanngikkaat.

Massakkut aaqjissuusaanerput isigissagaanni suliniutit aamma qujanartumik annertoorujussuit Namminersorlutik oqartussat, kommunit, peqqinnissaqarfik, allallu ulluinnarni suliniutinik kalluarneqarsimasut, aamma sulilluarniarnerat takusinnaavarput, nersortariaqarpullu naak ilaatigut atugassarititaasut ilungersunarsinnaasaraluartut uniffiginagit ilungersuusseqataanerat malunnarluartarmat.

Naalakkersuisut uani siunnersuummut isumaqataanatik itigartitsinissamik oqariartuuteqarnerat ajuusarnartutut isigaarput. Tassami suulluunniit inuunerup pitsanngorsarneqarnissaanut anguniaqarneq nukit ataatsimoortinnissaat, ilisimasallu sunniuteqarnerusumik aqutissiusseqataanissamut atorneqarluarsinnaasut tapaersersortariaqarmata, pingaartumik ulluinnarni inuunerup tamatsinnut nuannernerusunngortinnissaanut anguniaqarnermik siunnerfeqaraanni.

Taamatut oqaaseqarluta Tillie Martinussen Suleqatigiissitsisut aalajangiiffigisassatut siunnersuutaa taperserlugu peqqissutsimut isumaginninnermullu ataatsimiitsitaliami suliarineqarnissaa innersuussutigaarput.